

Lo rendetz-vos mesadèr

N° 15



Calendari de las animacions

- **1^{er} de mai** : Clarac, sala de las hèstas a comptar de 14 òras, bal gascon animat peu grop V2V. Organisat dens l'encastre de la Passem.
- **4 de mai** : Orioux, sala de las hèstas a comptar de 21 òras, bal gascon animat peu grop Miralhis. Entrada : 8 €.
- **24 de mai** : Sarrancolin, sala de las hèstas a comptar de 21 òras, bal gascon animat peu grop Parpalhon. Entrada : 8 €.

Hestau Er'Escalas de Printemps

Divés 3 de mai de 2024 a 21 òras
SMAC de la Gespe a Tarba

Concert deu grop **Raffut** seguit d'un concert d'**Alidé Sans**.
Tariu normau : 16 €, redusit : 14 €, aderents : 11 €.

Dissabte 4 de mai de 2024
Abadia de l'Escaladiu

Au programa :

- **10 òras 30 a 13 òras e 14 òras a 17 òras** : talhèr de polifinias animat per Emilia Manescau. Tariu : 5 € sus reservacion au 05 31 74 39 50.
- **14 òras a 17 òras 30** : 3^{au} salon deu libe gascon, taulèrs d'editors, presentacions literarias, confèrença sus la literatura aranesa, taula redona literaria.
- **17 òras 30** : remèsa deus premis deu 32^{au} Concors d'Expression Gascona.
- **18 òras 30** : concert d'Aàgut.

Dissabte 11 de mai de 2024 a 9 òras 30
Abadia de Sent Server

Dia professionau de l'Escòla Gaston Fébus.

- Las dificultats encontradas dens las correccions,
- Los diferents tipus de correccions animat per Alice Jérôme,
- Las questions especificas a l'occitan gascon animat per Maurice Romieu.

Dissabte 25 de mai de 2024 de 10 òras 30 a 12 òras
Conservatòri de Tarba

Esdejuar literari, presentacion deus obratges :

- Joan-Loís Lavit, ua votz ena montanha de Bigòrra
- Un brigalh de peira blua de Joan-Loís Lavit

Dimenge 26 de mai de 2024 de 18 òras
Abadia de Sent Server

Concert deu grop **Laüsa**.

Tariu normau : 8 €, redusit : 6 €.



Edicion



Euròpa - novèlas e racontes

Obratge colectiu

Què vos inspira Euròpa? qu'estoc la question pausada a dotze autoras e autors regionaus contemporanèus. Que responon dab dotze novèlas que's passan cadua en un país diferent. Que vos agradarà la diversitat deus tèmas e deus estils desempuïsh la ficcion istorica dinc a la sciéncia ficcion.

Las novèlas que son seguidas de quate racontes de viatjairas e viatjaires europèus deu sègle XIXau, quan Euròpa descobriscoc Gasconha. Atau, qu'estimaratz l'espier de Louisa Stuart Costello (britannica), Hendrika Van Tets (holandesa), Victor Hugo (francés), Platon de Tchihatcheff (rus).

222 paginas – 19 €

Libe editat a las Edicions Reclams. Entau comandar de seguir [lo ligam aqueth](#).

Edicion

L'ABC del saber

Ernergia


Libe-revista qui perpausa articles en occitan o en catalan sus las granas questions actuaus, dab l'espier de mei d'ua disciplina: filosofia, arts, sciéncias socialas, sciéncias duras....

Aqueth numèro 2 qu'a per tèma l'ènergia. Atau, que vos perpausam un apercebut de la situacion de l'ènergia dens lo mond: Africa dab un zoom sus Cabília, Asia, Euròpa. Que remandam las tecnologies descobèrtas au cors deu temps e las loas plaças dens l'istòria economica e sociala, las tecnologies de uei e quauquas pistas entà doman.

Enfin, que muisham quauques aspèctes de l'ènergia e l'uman: l'impacte de las radiacions nuclearas suu còs uman, l'ènergia desenvolopada per las nostas cellulas e l'ènergia deu desespèr.

180 paginas – 19 €

Revista editatada a las Edicions Reclams. Entà la comandar de seguir [lo ligam aqueth](#).



Edicion

Comuns Papèrs de Canhàs

De la ciutat ipertecnologica au desèrt postapocaliptic, ua idea que s'està invençada : la vita ne's pòt pas estofar.

Que's susmauta tostemps, que s'incarna èste après èste.

Tisneròts qui, a despieit d'eths o convençuts, òbran tots suu telèr de la tragedia umana.

62 paginas – 6,5 €

Libe editat a las Edicions Per Noste. Entau comandar de seguir [lo ligam aqueth](#).

